1

0.0.1 samudayadhamma suttam

- **0.** sāvatthiyam
- 1. atha kho aññataro bhikkhu yena bhagavā tenupasaṃkami. upasaṃkamitvā bhagavantaṃ abhivādetvā ekamantaṃ nisīdi. ekamantaṃ nisinno kho so bhikkhu bhagavantaṃ etadavoca: "avijjā, avijjā"ti bhantena, vuccati. katamā nu kho bhante, avijjā? kittāvatā ca avijjāgato hotiti.
- idha bhikkhu, assutavā puthujjano samudayadhammam rūpam samudayadhammam rūpanti yathābhūtam nappajānāti. vayadhammam rūpam vayadhammam rūpanti yathābhūtam nappajānāti. samudayavayadhammam rūpam samudayavayadhammam rūpanti vathābhūtam nappajānāti. samudayadhammam vedanam, 'samudayadhammam vedanāti' yathābhūtam nappajānāti 'vavadhammam vedanam vavadhammam vedanāti' yathābhūtam nappajānāti. samudayavayadhammam vedanam, samudayavayadhammā vedanāti, yathābhūtam nappajānāti. samudayadhammam saññam samudayadhammam saññāti' yathābhūtam nappajānāti 'vayadhammam saññam vayadhammam saññāti' yathābhūtam nappajānāti. samudayavayadhammam saññam, samudayavayadhammā saññāti, yathābhūtam nappajānāti. samudayadhammam samkhāre samudayadhammam samkhārāti' yathābhūtam nappajānāti 'vayadhamme samkhāre vayadhammā samkhārāti'yathābhūtam nappajānāti. samudayavayadhamme samkhāre, samuda-

yavayadhammā saṃkhārāti, yathābhūtaṃ nappajānāti. samudayadhammaṃ viññāṇaṃ samudayadhammaṃ viññāṇanti yathābhūtaṃ nappajānāti 'vayadhammaṃ viññāṇam vayadhammaṃ viññāṇanti' yathābhūtaṃ nappajānāti. ayaṃ vuccati bhikkhu, avijjā. ettāvatā ca avijjāgato hotīti.

- **3.** evam vutte so bhikkhu bhagavantam etadavoca: "vijjā vijjā"ti bhante vuccati. katamā nu kho bhante, vijjā? kittāvatā ca vijjāgato hoti?
- idha bhikkhu, sutavā ariyasāvako samudayadhammam rūpam samudayadhammam rūpanti yathābhūtam pajānāti. vayadhammam rūpam vayadhammam rūpanti yathābhūtam pajānāti. samudayavayadhammam rūpam samudayayayadhammam rūpanti yathābhūtam pajānāti. samudayadhammam vedanam, 'samudayadhammam vedanāti' yathābhūtam pajānāti 'vayadhammam vedanam vayadhammam vedanāti' yathābhūtam pajānāti. samudavavavadhammam vedanam, samudayavayadhammā vedanāti, yathābhūtam pajānāti. samudayadhammam saññam samudayadhammam saññāti' yathābhūtam pajānāti 'vayadhammam saññam vayadhammam saññāti' yathābhūtam pajānāti. samudayavayadhammam saññam, samudayavayadhammā saññāti, yathābhūtam pajānāti. samudayadhammam samkhāre samudayadhammam samkhārāti' yathābhūtam pajānāti 'vayadhammam samkhāre vayadhammā samkhārāti'yathābhūtam pajānāti. samudayavayadhammam samkhāre, samudayavayadhammā samkhārāti,

yathābhūtam pajānāti. samudayavayadhammam viññāṇam, samudayavayadhammam viññāṇanti, yathābhūtam pajānāti. vayadhammam viññāṇam vayadhammam viññāṇanti yathābhūtam pajānāti. samudayavayadhammam viññāṇam samudayavayadhammam viññāṇanti yathābhūtam pajānāti. ayam vuccati bhikkhu, vijjā. ettāvatā ca vijjāgato hotīti.